

Unu Ballu Pilicanu

(Franceschino Satta - Alessandro Catte)

Unu ballu pilicanu

Mesu anticu e mesu nobu

Bellu, tundu paret obu,

durat finzas a manzanu

unu ballu chin s'ispera

de sos sonnios prus galanos:

alligrittos, risulanos,

ziricande a tiritera.

De puzones unu bolu,

d'anzondeddos unu tazu;

de su coro s'accasazzu,

de sa mente su cossolu

Chin su coro a frichinias

Canto, canto, canto imbanu

In sas percas de s'arcanu

Sas prus durches sinfonias.

Unu ballu pilicanu

Mesu goi e mesu gai;

in sos zassos d'Illorai

cantan finzas a manzanu

Canta, canta gardanera

Canta chin lusingas s'oro

Sos segretos de su coro

Chin sos alinos d'ispera.

Luna bella, luna crara,

tue ch'istimas cada frade,

ischis; sa bera amistade

sun sas criticas in cara.

In sos ballos de s'incunza:

capidanne soberanu

torrat bellu a coro in manu:

nos bocamus gana e runza.

Canta e balla, balla e canta,

no ! non timas su seranu.

Peri sende pilicanu

Contas finzas a baranta.